



REPUBLIKA E SHQIPËRISË
MINISTRIA E MBROJTJES
MINISTRI

Nr. 2082/prot.

Tiranë, më 23 . 8 .2024

URDHËR

Nr. 1424, datë 23 . 8 .2024

PËR

**PËRCAKTIMIN E KUOTAVE PËR PERSONELIN E MINISTRISË SË MBROJTJES
DHE SISTEMIN E PIKËZIMIT PËR PËRFITIMIN E KREDISË SË LEHTËSUAR PËR
BLERJEN E BANESËS**

Në mbështetje të pikës 4, të nenit 102 të Kushtetutës së Republikës së Shqipërisë, të pikës 1, të nenit 64/5, të ligjit nr. 22/2018, "Për strehimin social", të ndryshuar, germës "f", të pikës 2, të nenit 13, të ligjit nr. 64/2014, "Për pushtetet dhe autoritetet e drejtimit e të komandimit të Forcave të Armatosura të Republikës së Shqipërisë", i ndryshuar; të vendimit nr. 468, datë 26.7.2023, të Këshillit të Ministrave, "Për trajtimin me kredi të lehtësuara të të punësuarve në administratën publike për blerjen e banesës" dhe të vendimit nr. 400, datë 19.06.2024, të Këshillit të Ministrave, "Për miratimin e kuotave të përgjithshme të kredive të reja për kategoritë prioritare të të punësuarve përfitues në administratën publike",

U R D H Ë R O J:

1. Kuotat e përgjithshme të kredive të lehtësuara për Ministrinë e Mbrojtjes për vitin 2024, gjithsej 90 (nëntëdhjetë), ndahen si më poshtë vijon:
 - a. 65 (gjashtëdhjetë e pesë) kuota për punonjësit me status ushtarak aktiv në Ministrinë e Mbrojtjes;
 - b. 25 (njëzet e pesë) kuota për personelin civil në Ministrinë e Mbrojtjes.
2. Vlerësimi i dokumentacionit të aplikantëve bëhet në përputhje me kërkesat e ligjit nr. 22/2018, "Për strehimin social", të ndryshuar, të vendimit nr. 468, datë 26.7.2023, të Këshillit të Ministrave, "Për trajtimin me kredi të lehtësuara të të punësuarve në administratën publike për blerjen e banesës" dhe të vendimit nr. 400, datë 19.06.2024, të Këshillit të Ministrave, "Për

miratimin e kuotave të përgjithshme të kredive të reja për kategoritë prioritare të të punësuarve përfitues në administratën publike”.

3. Vlerësimi i aplikantëve të bëhet sipas sistemit të pikëzimit të përcaktuar në lidhjen nr. 1 të këtij urdhri, pjesë e pandarë e tij. Në rast se rezultojnë më shumë kandidatë me pikë të barabarta sesa kuota të përcaktuara, vlerësimi të realizohet sipas sistemit të pikëzimit të përcaktuar në tabelën në lidhjen nr. 2 të këtij urdhri, pjesë e pandarë e tij.
4. Në rast se kuotat e përcaktuar në pikën 1/a, nuk ezaurohen brenda pikës **a.** komisioni ja kalon fituesit të radhës në pikën **b.**
5. Në rast se kuotat e përcaktuar në pikën 1/b, nuk ezaurohen brenda pikës **b.** komisioni ja kalon fituesit të radhës në pikën **a.**
6. Ngarkohet për zbatimin e këtij urdhri Komisioni i Vlerësimit të Aplikimeve.
7. Ndjek zbatimin e këtij urdhri sekretari i Përgjithshëm i Ministrisë së Mbrojtjes dhe Shefi i Shtabit të Përgjithshëm të FA.

Ky urdhër hyn në fuqi menjëherë.



Tabela Nr.1

Sistemi i pikëzimit, sipas Vendimit nr. 400, datë 19.6.2024, të Këshillit të Ministrave
“Për miratimin e kuotave të përgjithshme të kredive të reja për kategoritë prioritare të
të punësuarve përfitues në administratën publike”.

	KRITERET E PIKËZIMIT	100 pikë
1.1	KUSHTET E STREHIMIT	50
A	Nuk disponojnë banesë në pronësi	50
B	Banon në një banesë të mbipopulluar, sipas përcaktimeve dhe normave në fuqi.	35
C	Punonjës që ka humbur banesën, si pasojë e zhvendosjes nga zbatimi i një vendimi gjyqësor.	45
D	Punonjës, që banon në banesë që do të priset pasi përjashtohet nga procesi i legalizimit, si rezultat i investimeve publike, si dhe nuk përfiton një banesë tjetër.	40
1.2	KUSHTET FAMILJARE/SOCIALE/PUNËSIMI	25
A	Punonjës, që ka jo më pak se dy vjet i punësuar në administratën publike në momentin e aplikimit	13
B	Punonjës, që ka jo më pak se shtatë vjet i punësuar në administratën publike në momentin e aplikimit	15
C	Punonjës, që i përket kategorisë “familje e re”, në kuptim të ligjit nr. 22/2018, të ndryshuar.	25
Ç	Punonjës, që i përket kategorisë “të rij me moshë jo më të madhe se 40 vjeç”	20
D	Familje njëprindërore, që ka në ngarkim fëmijë	25
1.3	KUSHTET EKONOMIKE	25
A	I përket kategorisë së pagës, sipas vendimit nr. 326, datë 31.5.2023, të Këshillit të Ministrave	23
B	I përket kategorisë së pagës IV-2, IV-1, III-1	25
C	I përket kategorisë së pagës II-2, II-1, I-5, I-4, I-2	21

Shënim: Vlerësimi i aplikantit do të bëhet me pikët e grumbulluara në të tre kategoritë 1.1, 1.2, 1.3. Aplikanti do të marrë vetëm një vlerësim për secilën kategori (në rastet kur përfshihet në më shumë se në një shkronjë brenda një kategorie, si vlerësim të asaj kategorie do ti merret shkronja me vlerësimin më të lartë).

Tabela Nr.2

Sistemi i pikëzimit të përcaktuar nga Ministria e Mbrojtjes për kandidatë me pikë të barabarta, sipas Vendimit nr. 400, datë 19.6.2024, të Këshillit të Ministrave “Për miratimin e kuotave të përgjithshme të kredive të reja për kategoritë prioritare të të punësuarve përfitues në administratën publike”.

	TOTALI	50
1.1	KUSHTE FAMILJARE/SOCIALE	20
A	Punonjës që kanë fëmijë me aftësi të kufizuar	20
B	Punonjës që kanë tre fëmijë e më shumë	17
C	Punonjës që kanë dy fëmijë	14
D	Punonjës që kanë një fëmijë	11
E	Punonjës që nuk kanë fëmijë	9
F	Kur të dy prindërit janë punonjës/ushtarakë në administratë, dhe për shkaqe të ndryshme njëri nga prindërit ka ndërruar jetë.	20
G	Kur janë prindër të divorcuar dhe aplikanti ka kujdestarinë e fëmijëve.	20
H	Punonjës/ushtarak, prindi i të cilit ka humbur jetën në krye apo për shkak të detyrës.	20
I	Kategori të tjera që nuk përfshihen në shkronjat e mësipërme	6
1.2	KUSHTET PUNESIMI	15
A	Punonjes që ka deri ne 2 vjet i punësuar në administratën publike	5
B	Punonjes që ka 2 deri ne 7 vjet i punësuar në administratën publike	12
C	Punonjes që ka mbi 7 vjet i punësuar në administratën publike	15
1.3	KUSHTET/MUNDËSITË EKONOMIKE	15
A	Të ardhura nga paga bruto mujore me pak se 80.000 lekë.	14
B	Të ardhura nga paga bruto mujore 80.000-130.000 lekë.	15
C	Të ardhura nga paga bruto mujore mbi 130.000 lekë	13

Shënim: Vlerësimi i aplikantit do të bëhet me pikët e grumbulluara në të tre kategoritë 1.1, 1.2, 1.3. Aplikanti do të marrë vetëm një vlerësim për secilën kategori (në rastet kur përfshihet në më shumë se në një shkronjë brenda një kategorie, si vlerësim të asaj kategorie do ti merret shkronja me vlerësimin më të lartë).